



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

### **2. ZENBAKIDUN ORDENANTZA FISKALA: IBILGAILUEN GAINEKO ZERGA.**

#### **I.- XEDAPEN OROKORRAK**

##### **1. 1. artikulua.**

Udal honek, Bizkaiko Lurralde Historikoko Toki Ogasunak araupetu dituen Foru Arauan eta Trakzio Mekanikoko Ibilgailuen gaineko Zergari buruzko Foru Arauan ezarritakoarekin bat etorrituz, zerga eskatzen du honako ordenantza honetan xedatutakoaren arabera, Ordenantza honi jarraiki, tarifa aplikagarri duen Eranskina parte delarik.

##### **2. 2. artikulua.**

Ordenantza hau udal-mugarte osoan aplikatuko da.

#### **II. ZERGA EGITATEA**

##### **3. artikulua.**

Hauexek dira Zergaren zerga-egitateak:

1. Bide publikoetatik zirkulatzeko gai diren trakzio mekanikoko ibilgailuen titulartasuna, direnak direla ibilgailuen mota eta kategoria.

2. Zirkulaziorako gai den ibilgailutzat joko da erregistro publiko egokietan matrikulatu dena, baja ematen ez zaion bitartean. Zerga honen ondorioetarako, aldi baterako baimena duten ibilgailuak eta turismo-matrikula dutenak ere zirkulatzeko gai diren ibilgailutzat joko dira.

3. Jarraikoak ez daude Zergaren kargapean:

a) Antzinatasuna dela-eta erregistroan baja emanda egonik, aparteko kasuetan erakustaldietan, lehiaketetan eta lasterketetan ibiltzeko baimena jaso lezaketanak, horretara mugaturik daudela.

b) Trakzio mekanikodun atoiak eta erdiatoiak, zama erabilgarria 750 kg baino gutxiagokoa dutenak.

#### **III. SALBUESPENAK ETA HOBARIAK**



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

### 4. artikulua.

1. Zergatik salbuetsita egongo dira:

- a) Estatuko, Euskal Autonomia Erkidegoko, Bizkaiko Lurralde Historikoko eta toki-erakundeetako herritarren defentsarako edo segurtasunerako ibilgailu ofizialak.
- b) Atzerriko herrialdeetako ordezkari diplomatikoen, kontsul-bulegoetako kideen, eta kreditatuta dauden agente diplomatikoen eta kontsul-funtzionarioen ibilgailuak, baldin eta herrialdeko herritarrak badira eta ibilgailua kanpoaldean identifikatuta badago, eta elkarrekiko salbuespena badago, hedapen eta maila berekoa.

Halaber, Espainiar estatuan egoitza edo bulegoa duten nazioarteko erakundeen ibilgailuak eta diplomazi estatutua duten haien funtzionarioak edo kideenak.

c) Nazioarteko itunen edo hitzarmenen bidez salbuetsita dauden ibilgailuak.

d) Anbulantziak eta osasun-laguntzako ibilgailuak, eta zaurituak edo gaixoak garraiatzeko erabiltzen

e) Mugitzeko eragozpenak dituzten pertsonentzako ibilgailuak, abenduaren 23ko 2822/1998 Errege Dekretuaren bidez onetsitako Ibilgailuen Araudi Orokorreko II. eranskineko A letran adierazitakoak, baldin eta ezindu baten izenean matrikulatuta badaude.

Halaber, salbuetsita daude ezindu baten izenean matrikulatutako 14 zerga zalditik beherako ibilgailuak, ezinduak erabiltzeko baizik ez direnak. Salbuespen hau inguruabar horiek hala irauten duten artean aplikatuko da, eta aplikatu ere urrituek eurek gidatzen dituzten ibilgailuen zein haiek garraiatzeko erabiltzen direnei aplikatuko zaie.

Aurreko bi paragrafoetan ezarritako salbuespenak ezin dira aplikatu batera, hots, onuradun bati ez zaio bat baizik aplikatuko, ibilgailu bat baino gehiago eduki arren.

Letra honetan xedatukoaren ondorretarako hauexek hartuko dira pertsona ezindutzat:

A) %33 – 65 bitarteko minusbalio gradua onartuta dutela mugitzeko gaitasuna murriztuta duten pertsonak; halakotzat joko dira minusbalio-gradua aintzatetsi, adierazi eta kalifikatzeari buruzko abenduaren 23ko 1971/1999 Errege Dekretuaren III. eranskineko baremoko A, B edo C letretan adierazitako egoeretako batean daudenak eta baremo horretako D, E, F, G edo H letran 7 puntu edo gehiago dituztenak



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

B) %65eko minusbalio-gradua edo handiagoa duten pertsonak.

f) Hiriko garraio publikorako autobusak, mikrobusak eta gainerako ibilgailuak, bederatziz plaza baino gehiago dituztenak, digaria barne.

g) Nekazaritzako Ikuskapenaren Txartela duten traktoreak, atoiak, erdiatoriak eta makinak.

h) Ibilgailu historikoek zergaren %50/100eko hobatia izango dute. Ibilgailu Historikoen Erregelamendua onartzen duna urztailakren 14ko 1247/1995 Errege Dekretua betetzen dutenak, eta, zehazkiago, ibilgailu batek "hitorikotzat" hastua izateko bete behar dituen baldintzak zehazten dituen Dekretu horren 2. Artikulua betetzen duten ibilgailuak.

Betekizunak:

Historikotzat hartuta izateko, ibilgailu batek baldintza hauek bete behar ditu:

1. Autonomia Erkidegoko dagokion organo eskudunaren laborategi ofizial batean ikuskatua egotea.

2. Autonomia Erkidegoko dagokion organo eskudunaren irizpena, autoa ibilgailu historiko bezala saildatzearen alde.

3. Matrikulatu aurretik egindako ikusketa tekniko, eskatzailea bizi den probintzian kokatutako ibilgailuen ikusketa teknikoko estazio batean egindakoa.

1. Ibilgailua historiko bezala matrikulatuta egotea interesatua bizi den tokiko Probintziako Trafikoko Buruzagitzan.

i) Ehuneko 95era arteko hobaria egongo da ibilgailuak motor elektrikoa soilik badu. Motor hibridoa (elektrikoa eta errektantza) duten ibilgailuek, zergan %70eko hobaria izango dute.

2. Artikulu honetako 1. idatz-zatiko e), g), h) eta i) letretan azaldutako salbuespenak aplikatu ahal izateko, interesatuek eskatu egin beharko dute, eta eskabidean ibilgailuaren ezaugarriak, matrikula eta onuraren arrazoiak adierazi behar dituzte. Salbuespena adierazitakoan, Udal Administrazioak hori frogatzen duen agiria emango du.

Aurreko 1. idatz-zatiko e) letrako bigarren paragrafoan ezarritako salbuespenari dagokionez, interesatuak urritasunaren eta, behar denean, mugitu ezintasunaren ziurtagiria (erakunde eskudunak emana) aurkeztu behar du eta ibilgailua zertarako erabiltzen duen



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

frogatu behar dio Zerga ezartzen dion udalari, eta frogatu ere hark ordenantza fiskalean ezarritakoaren arabera.

### IV. SUBJEKTU PASIBOAK

#### 5. artikulua.

Zerga honen subjektu pasiboak dira Zergei buruzko Foru Arau Orokorreko 33. artikuluan ageri diren pertsona fisiko edo juridikoak eta erakundeak, zirkulazioko baimenean ibilgailua beraien izenean agertuz gero.

### V. KUOTA

#### 6. artikulua.

1.- Zerga Eranskinean ezarritako tarifa taularen arabera eskatuko da:

2. Ibilgailu-mota zehazteko, arau bidez ezartzen denari jaramon egingo zaio, eta gainera kontuan hartuko dira ondoko arauak ere:

a) Furgonetatzat ondokoak joko dira: pertsonak eta gauzak batera garraiatu ahal izateko moldatutako turismo-ibilgailuak, zenbait eserleku eta kristal kendu zaizkienak, ateen neurriak edota kokaera aldatu, eta bestelako aldaketak egin zaizkienak, baina jatorrizko ibilgailuaren modeloaren ezaugarriak funtsean aldatu gabe. Furgonetengatik, turismoak balira bezala ordainduko da Zerga, euren zerga-potentziaren arabera, ondoko kasuetan izan ezik:

Lehenengoa. Ibilgailua bederatzi pertsona baino gehiago, gidaria barne, garraiatzeko gaiturik badago, Zergak autobusa balitz bezala kargatuko du.

Bigarrena. Ibilgailuak 525 kg-tik gorako zama erabilgarria garraiatzeko baimena badu, Zergak kamioia balitz bezala kargatuko du.

b) Zerga honen ondoreetarako, motogurdiak motozikletatzat joko dira eta, beraz, euren zilindradaren edukieraren arabera ordainduko da Zerga.

c) Ibilgailu artikulatuei dagokienez, Zergak aldi berean eta bereiz kargatuko ditu arraste-indarra duen ibilgailua eta hark herrestan daramatzen atoiak eta erdiatoiak.



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

d) Edukiera dela-eta matrikulatu beharrik ez duten ziklomotorrak, atoiak eta erdiatoiak zirkulatzeko gai diren ibilgailuzat joko dira Industria Ordezkaritzak horren ziurtagiria ematen duenetik, edo ibilgailua zirkulatzeko hasten denetik, kasuan kasukoa.

e) Makina autopropulsatuengatik, alegia, trakzio mekanikoko beste ibilgailu batek ginean edo herrestan eraman gabe herri-bidetik berez ibil daitezkeen makinengatik, traktoreei dagozkien tarifak kobratuko dira.

f) Nolanahi ere, tarifetako D) letran agertzen den “traktore” izen orokorrak barne hartzen ditu hala kamioi traktoreak nola “obra eta zerbitzuetako traktoreak”.

g) Zaldipotentzia fiskala zaldi fiskaletan adierazten da, eta Ibilgailu Araudi Orokorrean, abenduaren 23ko 2.822/1998 Errege Dekretuaren 11.20 artikulua segituz, V. eraskinean agindutakoa kontutan hartuta.

## VI. ZERGALDIA ETA SORTZAPENA

### 7. artikulua.

1. Zergaldia egutegiko urtea izango da, ibilgailua lehenengoz eskuratzen denean edo baja ematen zaionean izan ezik. Izan ere, horrelakoetan, zergaldia eskuraketaren egunean hasiko da, edo ibilgailuari Trafiko Burutzan baja ematen zaion egunean amaituko da, hurrenez hurren.

2. Zerga zergaldiko lehen egunean sortuko da.

3. Ibilgailuen lehen eskuraketa denean, edo haien bajaren kasuan ere, kuotaren zenbatekoa egutegiko hiruhilekoen arabera hainbanatuko da, alta edo baja gertatzen den datari dagokiona barne.

Halaber, kuota hainbanatuko da ibilgailua aldi baterako baja emanda badago, lapurtu edo ebatsi dutelako; hori guztia aldi baterako baja dagokion erregistroan jasotzen den unetik hasita.

## VII. KUDEAKETA

### 8. artikulua.



## OTXANDIOKO UDALA

Ayuntamiento de Otxandio

(Bizkaia)

IFZ P4808500E

Ibilgailuaren zirkulazio-baimenean ageri den egoitza zein udalerritan dagoen, hango udalaren eginkizunak izango dira ibilgailu horren zerga kudeatzea, likidatzea, ikuskatzea eta biltzea, eta bai zerga-kudeaketan agindutako egintzak berrikustea ere.

### **9. artikulua.**

Udalak autolikidazio-araubidean eskatu ahal izango du zerga hau.

### **10. artikulua.**

Zerga ordaindu delako frogagiria Udal Administrazioak emandako ordainagiria izango da.

### **11. artikulua.**

1. Trafiko Burutzari ibilgailua matrikulatzeko, zirkulaziorako gaitasunaren ziurtagiria emateko edo ibilgailuari behin betiko baja emateko eskatzen diotenek, aldez aurretik Zerga ordainduta dutela frogatu behar dute. Hamabost urte edo gehiago dituen ibilgailu bati behin betiko baja eman nahi bazaio, ez dago ezer frogatu beharrik.

2. Gauza bera egin beharko dute ibilgailuen titularrek Trafiko Burutzari ibilgailuaren eraldaketaren berri ematen diotenean, baldin eta eraldaketak zerga honen ondoreetarako ibilgailuak duen kalifikazioa aldatu badu, bai eta ibilgailuaren zirkulazio-baimena eskualdatzen bada edo bertan ageri den egoitza aldatzen bada ere.

3. Trafiko-burutzek ez dute ibilgailuen bajei edo eskualdaketei buruzko espedienterik tramitatuko aldez aurretik zerga hau ordainduta dagoela frogatzen ez bazaie.

Matrikulazio berrietan, edo ibilgailuari egindako aldaketek zerga-ondoreetarako kalifikazioa aldatzen dutenean, interesatuek jarraian adieraziko diren agiriak aurkeztu behar dizkiote Udal Administrazioari, Zergaren matrikulari eransteko, 30 eguneko epean, matrikulazioa edo aldaketa egiten den egunetik hasita:

- a) Zirkulazioko baimena.
- b) Ezaugarri teknikoen ziurtagiria.
- c) NAN edo IFK

## **VIII. XEDAPEN IRAGANKORRA**



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

Trakzio Mekanikoko Ibilgailuen gaineko Zerga indarrean jartzen den egunean Ibilgailuen Zirkulazioaren gaineko Zergan mota bateko nahiz besteko zerga-hobariren bat dutenek hobariaz onuratsen segituko dute aipatutako zerga horri dagokionean, hobaria iraungitzen den egunera arte, edo, hobariaren onurak mugaegunik ez badu, 1992ko abenduaren 31ra arte, azken egun hori barne dela.

### ERANSKINA

<i>Ibilgailu mota eta indarra</i>	<b>2019</b>
<b>A) TURISMOAK</b>	
8 zaldipotenziatik beheragokoak	30,00 €
+ 2% 8tik goragokoak 11,99ra artekoak	73,00 €
12tik goragokoak 13,99ra artekoak	138,00 €
14tik goragokoak 15,99ra artekoak	180,00 €
16tik goragokoak 19,99 artekoak	215,00 €
20 zaldipontentziarik gorakoak	240,00 €
<b>B) AUTOBUSAK</b>	
21 plazatik beheragokoak	203,00 €
21etik 50erainokoak	230,00 €
50etik goragokoak	285,00 €
<b>C) KAMIOIAK</b>	
1000 kgmorainoko zama erabilgarridunak	81,00 €
1000 kgmotik 2999rainokoak	175,00 €



## OTXANDIOKO UDALA

Ayuntamiento de Otxandio  
(Bizkaia)

IFZ P4808500E

2.999kgmotik 9.999rainokoak	247,00 €
9999 kgmotik goragokoak	298,00 €
<b>D) TRAKTOREAK</b>	
16 zaldipotenziatik beheragokoak	34,00 €
16tik 25erainokoak	54,00 €
25etik goragokoak	159,00 €
<b>E) TRAKZIO MEKANIKODUN IBILGAILUEN DARAMATZATEN ATOI ETA ERDIATORIAK</b>	
Zama erabilgarria 1000 kg. baino gutxiagokoak	35,00 €
Zama erabilgarria 1000 – 2999 kg. Bitartekoa	55,00 €
Zama erabilgarria 2999 kg. baino gehiagokoak	165,00 €
<b>F) BESTELAKO IBILGAILUAK</b>	
Ziklomotoreak	11,00 €
Motozikletak, 125 z.k. artekoak	11,00 €
Motozikletak, 125etik 250 z.k. rainokoak	26,00 €
Motozikletak, 250etik 500 z.k. rainokoak	42,00 €
Motozikletak, 500etik 1000 z.k. rainokoak	62,00 €
Motozikletak, 1000 z.k. tik goragokoak	125,00 €

La presente modificación entrará en vigor al día siguiente al de la publicación y seguirá en vigor hasta que se acuerde su modificación o derogación.